



JAVNO PREDUZEĆE
ŠUMSKO PRIVREDNO DRUŠTVO
ZENIČKO - DOBOJSKOG KANTONA
d.o.o. ZAVIDOVIĆI

JP "ŠPD ZDK" d.o.o. Zavidovići

Upisano u Registar Kantonalnog suda u Zenici pod
brojem I-9014, Rješenje br. U/I 916/04
ID broj: 4218431050005
PDV Broj: 218431050005 Por. br.: 05072148
Transakcijski računi:
Union banka d.d. Sarajevo 1020320000013296
ASA Banka d.d. Sarajevo 1340300000062287
Unicredit Bank d.d. Mostar 3384202214508407
Raiffeisen BANK d.d. BiH 1610550016400016

Broj: 79-4/23.

Zavidovići, 27.11.2023. godine

Na osnovu člana 64. i 70. Zakona o javnim nabavkama BiH (Službeni glasnik BiH, br. 39/14 i 52/22), a shodno Zapisniku o pregledu i ocjeni ponuda Komisije za javnu nabavku broj: 79-3/23 od 27.11.2023. godine, donosim sljedeću:

O D L U K U o izboru najpovoljnijeg ponuđača

Član 1.

Prihvaća se preporuka Komisije za javnu nabavku, broj 79-3/23 od 27.11.2023. godine i Ugovor za javnu nabavku "**Gume za putnička vozila**" za potrebe JP "ŠPD ZDK" d.o.o. Zavidovići, dodjeljuje se ponuđaču "**GUMA VP 200**" d.o.o. Mostar, ponuda broj: 03-5699/23, dostavljena dana 21.11.2023. godine za ponuđenu cijenu nakon sprovedene e-aukcije u iznosu od **34.900,20 KM**, bez PDV-a.

Član 2.

Ova Odluka stupa na snagu danom donošenja i dostavlja se svim ponuđačima koji su učestovali u postupku javne nabavke u skladu s članom 71. stav (2) Zakona o javnim nabavkama.

O b r a z l o ž e n j e

Predmet javne nabavke je: Gume za putnička vozila za potrebe JP "ŠPD ZDK" d.o.o. Zavidovići (otvoreni postupak).

Procijenjena vrijednost javne nabavke, iznosi **49.600,00 KM**, bez PDV-a.

Komisija je imenovana Odlukom o imenovanju komisije za javnu nabavku broj: 79/23 od 21.11.2023. godine. Svi članovi komisije su bili prisutni na javnom otvaranju ponuda kao i na sastanku prilikom pregleda i ocjene ponuda.

Na osnovu obavještenja o nabavci broj: 360-1-1-250-3-226/23, 360-1-1-250-8-239/23 objavljeno dana 24.10.2023. godine u 13:27 sati, objave u Službenom glasniku BiH i Odluke o pokretanju postupka javne nabavke, broj: 79/23 od 18.10.2023. godine, a prema specifikaciji navedenoj u tenderskoj dokumentaciji, proveden je postupak prikupljanja, analize i ocjene ponuda, te je Komisija za javnu nabavku pristupila otvaranju blagovremeno pristiglih ponuda dana 22.11.2023. u 12:00 sati.

Komisija za javnu nabavku je u svom Zapisniku o pregledu i ocjeni ponuda konstatovala da su na predmetni javni poziv **Gume za putnička vozila** pristigle 3 (tri) blagovremene ponude i to od sljedećih ponuđača:

1. **UNITRADE d.o.o. Ljubuški,**
2. **GUMA VP 200 d.o.o. Mostar,**
3. **EURO DAM-JAS d.o.o. Lukavac.**

Uočena je računska greška u obrascu za cijenu ponude kod ponuđača "**GUMA VP 200**" d.o.o. Mostar, kako je navedeno u Zapisniku o pregledu i ocjeni ponuda 79-3/23, od 27.11.2023. godine.

Uvidom u pristiglu dokumentaciju ponuđača, Komisija za javnu nabavku utvrdila je da su ponude ponuđača: "**GUMA VP 200**" d.o.o. Mostar i "**EURO DAM-JAS**" d.o.o. Lukavac, **prihvatljive** (u skladu sa članom 2.stav (1) točka L) pod 1.) Zakona o javnim nabavkama (Službeni glasnik BiH 39/14

i 59/22), navedeni ponuđači su dostavili ponude u skladu sa tenderskom dokumentacijom i ispunjavaju zahtjeve Ugovornog organa.

Ponuda ponuđača „UNITRADE“ d.o.o. Ljubuški je **nepravilna** (u skladu s članom 2. stav (I) točka (L) pod 3.) iz razloga što nije u skladu sa zahtjevima iz Tenderske dokumentacije, tj. dokazni materijali da ponuđeni proizvodi ne zadovoljavaju sve tražene tehničke karakteristike opisane u obrascu za cijenu ponude, dostavljeni su kao izvodi iz registra koji nije dokument proizvođača, kako je traženo Tenderskom dokumentacijom. Naime, Tenderskom dokumentacijom u dijelu **5. PODACI O PONUDI**, b) *Ponuda mora sadržavati najmanje:* između ostalog, je propisano:

b) Tehničke listove izdate od strane proizvođača (na bosanskom ili engleskom jeziku) za svaki ponuđeni proizvod, iz kojih je vidljivo da ponuđeni proizvodi zadovoljavaju sve tražene tehničke karakteristike opisane u obrascu za cijenu ponude (kopija sa pečatom i potpisom ponuđača). Za stavke 1,2,3,4,5,6,8,9,10,11,12,13, i 14 iz obrasca za cijenu ponude dostaviti oznaku za karakteristike gume prema EU normi 2020/740 i to primjerak (kopiju sa pečatom i potpisom ponuđača). Prihvatljivost tehničkih listova dodatno opisana u Obrascu za cijenu ponude.

U obrascu za cijenu ponude je, između ostalog, propisano: „... Obaveza je za ponuđene robe, u smislu dokaza, dostaviti tehničke listove i/ili kataloške izvode i/ili drugu dokumentaciju izdatu od proizvođača koji će potvrditi saglasnost karakteristika ponuđenih guma sa traženim. Za navedeno mogu poslužiti i zvanični WEB katalozi proizvođača uz obaveznu ponuđača da navede tačnu WEB adresu za pregled ili preuzimanje priloženog akta. Kao dokaz za navedeno neće se prihvatiti katalozi i drugi promotivni dokumenti urađeni od subjekata iz trgovačke mreže ili drugih“.

U predmetnom postupku predviđena je **e-aukcija**, nakon sprovedene e-aukcije dana 27.11.2023. godine, najpovoljnija ponuda je od ponuđača **“GUMA VP 200“ d.o.o. Mostar za iznos od 34.900,20 KM**, bez PDV-a i manja je od procijenjene vrijednosti Ugovornog organa u iznosu za 14.699,80 KM.

Polazeći od gore navedenih konstatacija, posebno uzimajući u obzir činjenicu da je ponuda ponuđača **“GUMA VP 200“ d.o.o. Mostar** formalno pravno ispravna i prihvatljiva za Ugovorni organ, donesena je Odluka kao u dispozitivu.

Pouka o pravnom lijeku:

Protiv ove Odluke može se uputiti Žalba u roku od deset (10) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

Dostaviti:

1. UNITRADE d.o.o. Ljubuški,
2. GUMA VP 200 d.o.o. Mostar,
3. EURO DAM – JAS d.o.o. Lukavac,
4. Komisiji za JN,



DIREKTOR

Hasan Hasić, dipl. oec

Adresa: Ulica Alije Izetbegovića br. 25, 72 220 Zavidovići,
Tel. 032/877-834, 032/877-753, fax 032/879-029
E-mail: info@spdzdk.ba www.spdzdk.ba



Oznaka odgovornog
šumarstva
FSC® C142124